

AKTI I THEMELIMIT
DHE STATUTI I SHOQERISE ME PERGJEGJESI TE KUFIZUAR
"ALPHA BASE COMPANY" Sh.p.k

KREU I

NENI 1

Sot ne daten 9.09.2019 (nente Shtator dy mije e nentembedhete), dite e Hene, ne themeluesit, kemi krijuar nje shoqeri me pergjegjesi te kufizuar me emrin "**Alpha Base Company**" Sh.p.k.

Themeluesit e shoqerise jane:

1. **Marin Kutrolli**, i biri i Fatmir-it, lindur me 09.05.1996 ne Korce dhe banues ne Tirane, madhor dhe me aftesi te plote per te vepruar, me mjet identifikimi me numer BB4195016
2. **Olivia Ivanova Cholakova**, e bija e Ivan-it, lindur me 21.12.1996 ne Blagoevgrad dhe banuese ne Blagoevgrad, Bullgari, madhore dhe me aftesi te plote per te vepruar, me mjet identifikimi me numer 383699368

Selia e kesaj Shoqerie eshte ne Qendren e Biznesit Metropol, rruga Sami Frasheri ne Tirane ne ambjentin me numer 7/467-N14, ZK.8380 vol.29 faqe 205.



STATUTI I SHOQERISE

Sot ne daten 9.09.2019 (nente Shtator dy mije e nentembedhjete), ditën e Hënë, së bashku me Ortaket e Shoqërisë:

1. Marin Kutrolli, i biri i Fatmir-it, lindur me 09.05.1996 në Korce dhe banues në Tiranë, madhor dhe me aftësi të plote për të vepruar.

2. Olivia Ivanova Cholakova, e bija e Ivan-it, lindur me 21.12.1996 në Blagoevgrad dhe banuese në Blagoevgrad, Bullgari, madhore dhe me aftësi të plote për të vepruar,

bazuar në ligjin Nr.9901, datë 14.04.2008 "Për tregëtarët dhe shoqëritë tregëtare",

Vendosëm

Hartimin e Statutit të Shoqërisë Tregëtare me Përgjegjësi të Kufizuar "Alpha Base Company" sipas ligjit "Për tregëtarët dhe shoqëritë tregëtare".

Selia e kësaj Shoqërie është në Qendrën e Biznesit Metropol, rruga Sami Frasheri në Tiranë në ambjentin me numër 7/467-N14, ZK 8380 vol.29 faqe 205.

NENI 2


Objekti

Shoqëria do të kryejë aktivitetin e mëposhtëm, në përputhje me ligjet në fuqi:

"Alpha Base Company" Sh.p.k ofron shërbime marketing-u, ideimin dhe ekzekutimin e fushatave të marketingut për kompani dhe struktura të ndryshme (private, shtetërore, OJQ etj.) konsulence biznesi, konsulence mbi Burimet Njerezore, trajnime të ndryshme për interesat e bizneseve apo organizatave jofitimprurëse, konsulence në sektorin Hoteleri- Turizëm, konsulence në menaxhimin e strukturave të lidhura direkt apo indirekt me Hotelierinë dhe Turizmin, shërbime teknike në Web, E-commerce, Krijimi dhe Tregëtimi me të drejta të plota të Platformave të Ndryshme Online, Zhvillimi i Sistemeve Software, Mbledhja, Ruajtja dhe Analizimi i të Dhenave me karakter studimor, komercial, legal etj., shërbime Hostimi në Internet etj.

Gjithashtu, "Alpha Base Company" Sh.p.k kryen të gjitha veprimet e nevojshme tregëtare të cilat ndikojnë në përmbushjen e aktivitetit kryesor të shoqërisë, të lartpërmendur, sipas legjislacionit në fuqi.

Organizimi i aktivitetit tregëtar të shoqërisë është i organizuar në tre shtylla kryesore:



-Alpha Marketing, qe eshte njesia pergjegjese per te gjitha aktivitetet ne lidhje me biznesin dhe marketingun,

-Alpha Manager, qe eshte njesia pergjegjese per te gjitha aktivitetet ne Hoteleri- Turizem dhe

- Alpha Tech, qe eshte njesia pergjegjese per te gjitha aktivitetet ne Internet dhe Software.

NENI 3 **Kohezgjatja**

Kohezgjatja e shoqerise eshte e pa-percaktuar.

NENI 4 **Selia**

Selia e Shoqerise ndodhet ne adresen: **Qendra e Biznesit Metropol, rruga Sami Frasherit ne Tirane ne ambjentin me numer 7/467-N14, ZK.8380 vol.29 faqe 205.**

Adresa e faqes se internetit te shoqerise eshte: www.alphabase.al

Perpos selise se saj, shoqeria ushtron aktivitetin e saj edhe ne qytetin e Bilishtit dhe Korces.

Shoqeria ka te drejte hapjen e filialeve te saj ne te gjitha territoret e Republikes se Shqiperise si dhe jashte saj.

KREU II

NENI 5 **Kapitali Themeltar**

Kapitali themeltar fillestar i shoqerise eshte 100,000 Leke i ndare ne 2 (dy) kuota. Secili ortak gëzon kuotën e tij në shoqëri, në përpjesëtim me kontributin që ka dhënë në kapitalin themeltar te shoqerise. Pjesemarrja e themeluesve ne kapitalin e shoqerise eshte ne perputhje me kontributet e tyre te meposhtme:

1. Ortaku themelues **Marin Kutrolli**: Zoterues i nje kuote me vlere te pergjitheshme 80,000 Leke qe perben 80% te kapitalit themeltar te shoqerise.

2. Ortaku themelues **Olivia Cholakova**: Zoterues i nje kuote me vlere te pergjitheshme 20,000 Leke qe perben 20% te kapitalit themeltar te shoqerise.



NENI 6
Zmadhimi dhe Zvogëlimi i Kapitalit

Proceduar për zmadhimin apo zvogëlimin e kapitalit të shoqërisë janë si vijojnë:

Kapitali i shoqërisë mund të zmadhohet nepermjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, nepermjet emerimit nga gjykata kompetente e një eksperti të autorizuar për këto kontribute sipas kërkesës së administratorit.

Në asnjë rast shumica nuk mund të detyrojë një ortak për të rritur angazhimin e tij në kapitalin themeltar të shoqërisë.

Zvogëlimi i kapitalit lejohet nga asambleja e ortakëve, e cila merr vendim në të njëjtat kushte që kërkohen për ndryshimin e statutit.

Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.

NENI 7
Transferimi i Kapitalit

Kuatat e kapitalit të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyre tjetër të parashikuar me ligj.

Pjesët e kapitalit themeltar janë lirisht të transferueshme ndërmjet ortakëve, për sa nuk parashikohet ndryshe në statut.

Pjesët e kapitalit themeltar janë lirisht të transferueshme me rrugë trashëgimie.

KREU III

NENI 8
Organi Vendimmarres



Asambleja e Ortakeve eshte organi i vetem vendimmarres i shoqerise.

Asambleja e Ortakeve eshte organi i vetem vendimmarres i shoqerise qe miraton cdo ndryshim te statutit sipas modaliteteve te percaktuara ne ligj.

Asambleja e pergjithshme e ortakeve eshte pergjegjese per marrjen e vendimeve per shoqerine per cheshtjet e meposhtme:

- a) percaktimin e politikave tregtare te shoqerise;
- b) ndryshimet e statutit;
- c) emërimin e shkarkimin e administratorëve;
- ç) emërimin e shkarkimin i likuiduesve dhe të ekspertëve kontabël të autorizuar;
- d) percaktimin e shperblimeve per personat e permendur ne shkronjat "c" dhe "ç" te kesaj pike;
- dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqerisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqerisë;
- h) miratimin e rregullave procedurale të mbledhjeve të asamblesë;
- i) cheshtje të tjera të parashikuara nga ligji apo statuti.

Ortaku mund të përfaqësohet në asamblenë e pergjithshme, në bazë të një autorizimi nga një ortak tjetër apo nga një person i tretë.

Administratori i shoqerisë nuk mund të veproje si përfaqësues i ortakëve në asamblenë e pergjithshme.


Autorizimi mund të jepet vetëm për një mbledhje të asamblesë së pergjithshme, e cila përfshin edhe mbledhjet vijuese me të njëjtin rend dite.

NENI 9

Marrja e Vendimeve

Ne kuader te veprimtarise vendimmarrese te Shoqerise e cila eshte Asambleja e Ortakeve, votimi organizohet si vijon:

- 10 aksione (pjesë) perfaqesojne nje vote ne mbledhjet e Asamblese se Ortakeve.
- Ne total jane 1,000 kuota (pjesë) te perkthyer ne 100 vota ne Asamble.



- Cfarendolloj votimi apo proces vendimmarres ne "Alpha Base Company" Sh.p.k behet sipas skemes se mesiperme te votimit.
- Per shumicen e ceshtjeve, pervec atyre te specifikuara ne nenin perkates, shumica e thjeshte (50%+1 te votave) mbizoteron.

Asambleja e pergjithshme vendos me 50% +1 te votave te zoteruesve te kapitalit, ku votat jane ne perputhje me kontributin ne kapitalin themeltar te ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

Asambleja e pergjithshme vendos me shumicën e votave të ortakëve pjesëmarrës, për çështje te tjera si:

- a) përcaktimi i politikave tregtare të shoqërisë;
- b) emërimin dhe shkarkimin e administratorëve;
- c) emërimin e shkarkimin i likuiduesve dhe të ekspertëve kontabël të autorizuar;
- ç) përcaktimin e shpërblimeve
- d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
- e) përfaqësimin e shoqërisë në gjykatë dhe në procedimet e tjera ndaj administratorëve;
- f) miratimin e rregullave procedurale të mbledhjeve të asamblesë;

Cdo ndryshim statuti duhet te depozitohet prane QKR per te pasyqruar ndryshimet ne skeden e shoqerise.


NENI 10

Perjashtimi nga e drejta e votes

1.Ortaku nuk mund të ushtrojë të drejtën e votës nëse asambleja e pergjithshme merr vendim për:

- a) vlerësimin e veprimtarisë së tij;
- b) shuarjen e ndonjë detyrimi në ngarkim të tij;
- c) ngritjen e një padie ndaj tij nga shoqëria;
- ç) dhënien ose jo të përfitimeve të reja.

2.Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku, të cilin përfaqëson.




NENI 11

Administrimi

1. Administratori i Shoqerise "Alpha Base Company" Sh.p.k eshte Marin Kutrolli , i biri i Fatmir-it, lindur me 09.05.1996 ne Korce dhe banues ne Tirane, madhor dhe me aftesi te plote per te vepruar, me mjet identifikimi me numer BB4195016.

Afati i emerimit eshte per nje periudhe 5 vjecare, e cila fillon sot, me 9.09.2019 dhe mbaron me 8.09.2024. Ky emertim behet me te drejte ri-perteritje .

Specimen-i i Nenshkrimit te Adminstratorit:




NENI 12

Kompetencat e Administratoreve

Administratorët kanë të drejtë e detyrohen të:

- a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
- ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- e) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- ë) kryejnë detyra të tjera të përcaktuara në ligj dhe në statut.

Administratoret jane te detyruar te therasin Asamblene e Pergjitheshme, në rastet kur: -sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.



-shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuara.

-shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuara.

Nëse asambleja e përgjithshme emëron më shumë se një administrator, ata e administrojnë bashkërisht shoqërinë.

Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

NENI 13

Përgjegjësia e Administratorit


Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Pasojat e marrëveshjeve të pamiratuara nga asambleja që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.

Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Per Tregtaret dhe Shoqëritë Tregtare", administratori detyrohet:

1. a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;
- b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;
- c) të vlerësojë me përgjegjësi çështjet, për të cilat merret vendim;
- ç) të parandalojë dhe mënjanojë rastet e konfliktit, prezent apo të mundshëm, të interesave personale me ata të shoqërisë;
- d) të ushtrojë detyrat e tij me profesionalizmin dhe kujdesin e nevojshëm.

2. Administratori, gjatë kryerjes së detyrave të tij, përgjigjet ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të



rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.

3. Nëse administratori vepron në kundërshtim me detyrat dhe shkel standardet profesionale, sipas pikave 1 e 2 të këtij neni, është i detyruar t'i dëmshpërblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare.

4. Në mënyrë të veçantë, por pa u kufizuar në to, administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit „ Per Tregtaret dhe Shoqerite Tregtare , kryen veprimet e mëposhtme:

- a) u kthen ortakëve kontributet;
- b) u paguan ortakëve interesa apo dividendë;
- c) u shpërndan aktivet shoqërisë;
- ç) lejon që shoqëria të vazhdojë veprimtarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
- d) jep kredi.

Përveç padisë për shlyerjen e dëmit që i ngarkohet personalisht administratorit, ortakët individualisht ose se bashku, kanë të drejtë të ngrenë padi penale kundër administratorit


Paditësit kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme. Asnjë vendim i asamblesë nuk mund të ndalojë ngritjen e kërkesë padisë kundër administratorit për gabimet e kryera prej tij gjatë ushtrimit të detyrës.

KREU IV

Viti Financiar – Ekspertet

NENI 14 Viti Financiar

Viti financiar i Shoqerise fillon me 1 Janar dhe perfundon me 31 Dhjetor. Perjashtimisht, viti i pare financiar fillon nga data e regjistrimit te shoqerise ne Qendren Kombetare te Regjistrimit dhe mbyllet me 31 Dhjetor.



NENI 15
Ekspertet

Eksperti ka për detyrë që të kontrollojë të gjithë dokumentacionin kontabel të veprimtarisë ekonomike tregtare të shoqërisë, atë gjithëvjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tillë ngarkuar nga ana e ortakëve.

Në përfundim të kontrollit eksperti kontabel i autorizuar për gatit raportin me shkrim për nxjerrjen e rezultatit të bilancit financiar vjetor si dhe për atë për kontrollet periodike të ushtruara, të cilat është i detyruar që t'ja paraqesë e dorëzojë në kohë ortakëve për t'i shqyrtuar e miratuar mbi bazën e të drejtës vendimore që ka.

NENI 16
Konfidencialiteti

Ortakët, si dhe personat e tjerë të pranuar në shoqëri, bien dakord që të mos i ekspozojnë asnjë personi të jashtëm informacionet që do të disponojë shoqëria, kontratat që ajo do të lidhë, si dhe planet ose qëllimet që shoqëria ka për të ardhmen e saj.


Njëkohësisht, të gjitha të dhënat dhe informacionet e klientëve, të cilat përpunohen ose ruhen për qëllimet e Shoqërisë, janë rreptësisht të ndaluara t'i ekspozohen paleve të treta, përveçse me pelqimin dhe konsensusin e plotë të klientit apo me urdher gjykatë.

NENI 17
Punesimi

Punesimi i personave apo organizatave për qëllime të ndryshme të përcaktuara në Statutin e Shoqërisë, bëhet sipas Kodit të Punes së Republikës së Shqipërisë. Punesimi është një vendim marrje e cila i takon vetëm Asamblesë së Ortakëve dhe arrihet me votim (shumicë e thjeshtë).

KREU V

Prishja- Riorganizimi i Shoqërisë



NENI 18

Prishja dhe Likuidimi

Shperndarja ose prishja e shoqerise mund të behet ne cdo kohe :

- a) kur mbaron kohëzgjatja e parashikuar në themelimin e saj;
- b) me vendim të Asamblese se Ortakeve;
- c) me hapjen e procedurave të falimentimit;
- ç) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
- d) me vendim të gjykatës;

Ne kete rast Ortaket merrin vendim me shkrim ne të cilin parashikojne menyren e likuidimit të shoqerise, duke caktuar 1 apo disa likuidatore dhe shëruar ne cdo dokument të nxjerre prej tij emrin e likuidatorit dhe emertesën shtese " Shoqeri në likuidim e siper ".

Prishja e shoqërive tregtare ka si pasojë hapjen e procedurave të likuidimit në gjendjen e aftësisë paguese, me përjashtim të rasteve kur është nisur një procedurë falimentimi.

Likuidimi kryhet nga likuiduesit e emëruar nga Ortaket.

Nëse Ortaket nuk merrin një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

NENI 19

Riorganizimi i shoqerise bashkimi-ndarja

Shoqëria mund të ndahet, bashkohet sipas Vednimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 "Për tregtarët dhe shoqëritë tregtare."

NENI 20

Baza Ligjore



Shoqëria do të zhvillojë aktivitetin e tij në përputhje të plote me këtë statut dhe dispozitat e legjislacionit shqiptar.

Për sa nuk parashikohet në këtë statut, do të zbatohen dispozitat e ligjit "Për tregtarët dhe shoqëritë tregtare", Kodit Civil dhe çfarëdo ligji tjetër specifik në Republikën e Shqipërisë.

NENI 21
Mosmarreveshjet

Për mosmarreveshjet që mund të lindin në lidhje me zbatimin apo interpretimin e këtij statuti, si dhe për çdo mosmarreveshje që mund të lindë midis Shoqërisë dhe të tjerëve, do të jetë kompetente Gjykata Shqiptare.

ORTAKET

E SHOQËRISË ME PËRGJEGJËSI TË KUFIZUAR

* "Alpha Base Company" Sh.p.k*

Marin Kutrolli

Marin Kutrolli

(nenshkrimi)

Olivia Ivanova Cholakova

(nenshkrimi)

Olivia Ivanova Cholakova